

Komisioni për Mbrojtjen e Konkurrencës në bazë të nenit 28 dhe nenit 19 paragrafi (1) pika 2) të Ligjit për mbrojtjen e konkurrencës ("Gazeta Zyrtare e Republikës së Maqedonisë" nr. 145/10, 136/11, 41/2014, 53/16, 83/18 dhe "Gazeta Zyrtare e Republikës së Maqedonisë së Veriut" 208/24 dhe 16/25), dhe duke vepruar sipas njoftimit për përqendrim të parashtruar nga Telekom Srbija" shoqëri aksionare Beograd, Republika e Serbisë me adresë në rrugën Takovska nr.2., Beograd, Republika e Serbisë dorëzuar përmes të autorizuarit Ognen Trajkovski nga Shkupi, në seancën e mbajtur më 11.12.2025 solli këtë:

AKTVENDIM

1.Konstatohet se përqendrimi me të cilin "Telekom Srbija" shoqëri aksionare, Beograd, me seli të regjistruar në adresën rruga Takovska nr.2., Beograd, Republika e Serbisë, do të fitojë kontroll të drejtpërdrejtë individual mbi kapitalin themelor të NDËRMARRJES PËR TELEKOMUNIKIME ALTEKO SHPK PETROVAC (PRETPRIJATIE ZA TELEKOMUNIKACII ALTEKO DOO PETROVAC), me seli të regjistruar në adresën 8 Tetori 22, 12300 Petrovac në Mllavë, Republika e Serbisë, edhe pse bie nën dispozitat e Ligjit për Mbrojtjen e Konkurrencës, nuk do të ketë si pasojë pengimin, kufizimin apo shtrembërimin e ndjeshëm të konkurrencës efektive në treg ose në një pjesë thelbësore të tij, veçanërisht si rezultat i krijimit apo forcimit të pozitës dominuese të pjesëmarrësve, dhe është në përputhje me dispozitat e Ligjit për Mbrojtjen e Konkurrencës në kuptim të nenit 19 paragrafi (1) pika 2) të Ligjit për Mbrojtjen e Konkurrencës.

2.Detyrohet parashtruesi i njoftimit për përqendrim të paguajë takse administrative për njoftimin për përqendrim në shumë prej 6.000,00 den. dhe për aktvendimin në shumë prej 30.000,00 den., sipas numrit tarifar 34 të Ligjit për Taksat Administrative ("Gazeta Zyrtare e Republikës së Maqedonisë" nr. 17/93, 20/96, 7/98, 13/01, 24/03, 19/04, 61/04, 95/05, 7/06, 70/06, 92/07, 88/08, 130/08, 6/10, 145/10, 17/11, 84/12, 192/15, 23/16 dhe "Gazeta Zyrtare e Republikës së Maqedonisë së Veriut" nr. 151/21) në llogarinë e Buxhetit të Republikës së Maqedonisë nr. 100000000063095, llogaria për pagesë 840...03161, kodi i të ardhurave dhe programi 72231300.

3.Padia për fillimin e kontestit administrativ nuk e shtyn ekzekutimin e aktvendimit.

Arsyetim

Në përputhje me dispozitat e nenit 15 të Ligjit për mbrojtjen e konkurrencës (në tekstin e mëtejshëm: Ligji), më datë 14.11.2025, Komisionit për Mbrojtjen e Konkurrencës iu dorëzua njoftim për përqendrim nga "Telekom Srbija" shoqëri aksionare, Beograd me seli të regjistruar në adresën rruga Takovska nr.2., Beograd, Republika e Serbisë me të cilën "Telekom Srbija" shoqëri aksionare, Beograd do të fitojë kontroll të drejtpërdrejtë individual mbi kapitalin themelor të NDËRMARRJES PËR TELEKOMUNIKIME ALTEKO SHPK PETROVAC, me seli të regjistruar në adresën 8 Tetori 22, 12300 Petrovac në Mllavë, Republika e Serbisë.

Komisioni filloi me shqyrtimin e Njoftimit me ditën e pranimit të tij dhe në bazë të të dhënave të dorëzuara në Njoftimin për përqendrim dhe shtojcat e tij konstatoi si më poshtë:

Aktivitetet themelore afariste të ndërmarrjeve të përfshira:

"Telekom Srbija" shoqëri aksionare, Beograd është operator për shërbime dhe rrjete të komunikimit elektronik, i regjistruar për telekomunikime kabllore, ndërsa nga shërbimet që i jep, veçojmë shërbimet për telefoninë fikse dhe celulare, internet dhe shërbime multimediale në territorin e Republikës së Serbisë.

Person i lidhur i Telekom Srbija SH.A në territorin e Republikës së Maqedonisë së Veriut është Shoqëria për tregti dhe shërbime MTEL SHPKNJP Shkup, selia e së cilës është e regjistruar në rrugën „Maksim Gorki” 11/1-3, Shkup, Qendër, në Republikën e Maqedonisë së Veriut, e regjistruar për veprimtarinë e komunikimeve me tela, përkatësisht për ofrimin e shërbimeve vijuese: rrjet publik i radiokomunikimit, qasje në internet me brez të gjerë, shërbime ndër-operatorësh, satelit etj.

Person i lidhur i MTEL SHPKNJP Shkup¹ është Shoqëria për telekomunikime MTELMOBILE SHPKNJP Shkup. Shoqëria për telekomunikime MTELMOBILE SHPKNJP Shkup punon në tregun për ofrimin e shërbimeve celulare të komunikimit elektronik shërbimi me prepaid dhe nuk u ofron shfrytëzuesve të saj përfundimtar shërbim celular postpaid. Shoqëria për telekomunikime MTELMOBILE SHPKNJP Shkup është operator i rrjetit virtual celular (ORRVC) në tregun maqedonas për komunikime elektronike dhe ofron shërbime kombëtare, ndërkombëtare dhe roaming për thirrje zanore, SMS dhe internet.

Gjithashtu, person i lidhur i Telekom Srbija SHA në territorin e Republikës së Maqedonisë së Veriut është Shoqëria për tregti dhe shërbime TOTAL TV SHPK Shkup, me seli në Bulevardin Partizanski Odredi nr. 17, 1-001/Shkup-Qendër, në Republikën e Maqedonisë së Veriut, e regjistruar për veprimtarinë telekomunikime satelitore.

NDËRMARRJA PËR TELEKOMUNIKIME ALTEKO SHPK PETROVAC është operator për shërbime dhe rrjete të komunikimit elektronik, në momentin e parashtrimit të Njoftimit, i regjistruar për ofrimin e qasjes në internet dhe shërbime të internetit, shpërndarje të përmbajtjes mediatike.

NDËRMARRJA PËR TELEKOMUNIKIME ALTEKO SHPK PETROVAC nuk ka persona juridikë të lidhur në territorin e Republikës së Maqedonisë së Veriut, dhe as nuk ka realizuar të hyra në atë territor.

Komisioni konstatoi se përqendrimi i njoftuar bie nën dispozitat e Ligjit, sepse plotëson kushtet nga neni 12 paragrafi (1) dhe pika 2) dhe nga neni 14 paragrafi (1) pika 1) dhe 2) të Ligjit për Mbrojtjen e Konkurrencës.

Komisioni, duke pasur parasysh kriteret nga neni 17 paragrafi (2), paragrafi (3) dhe paragrafi (4) i Ligjit për Mbrojtjen e Konkurrencës dhe pikën 6 b) të *Udhëzimeve për përcaktimin e rasteve në të cilat gjatë vlerësimit të përqendrimeve Komisioni për Mbrojtjen e Konkurrencës zakonisht do të konstatojë se ato janë në përputhje me Ligjin për Mbrojtjen e Konkurrencës*,

¹ Komisioni për Mbrojtjen e Konkurrencës me aktvendimin nr. 08-31/2023 të datës 22.03.2023 miratoi përqendrimin me të cilin MTEL SHPKNJP Shkup me seli të regjistruar në rrugën Maksim Gorki nr.11-1/kati 3, 1000 Shkup, do të fitojë kontroll mbi shoqërinë NEOTEL SHPK Shkup, me seli në bulevardin Kuzman Josifovski-Pitu nr.15, 1000 Shkup

vlerësoi se përqendrimi i njoftuar, edhe bie nën dispozitat e Ligjit, është në përputhje me të, sepse nuk do të ketë si pasojë pengimin, kufizimin apo shtrembërimin e ndjeshëm të konkurrencës efektive në treg ose në një pjesë thelbësore të tij, veçanërisht si rezultat i krijimit apo forcimit të pozitës dominuese të pjesëmarrësve.

Duke pasur parasysh këtë vlerësim të përqendrimit, Komisioni vendosi si në dispozitivin e këtij Aktvendimi, në përputhje me nenin 19 paragrafi (1) pika 2) të Ligjit.

Në përputhje me nenin 53 paragrafi (2) të Ligjit, padia nuk e shtyn ekzekutimin e aktvendimit.

Udhëzim për mjetin juridik:

Kundër këtij vendimi mund të ngrihet padi për fillimin e kontestit administrativ pranë Gjykatës Administrative në afat prej 30 ditësh nga dita e pranimi të aktvendimit.

KOMISIONI PËR MBROJTJEN E KONKURRENCËS

KRYETARE

Mr. Малинка Силјановска Николиќ